

Namołwa němskich biskopow k swětowej misionskej njedźeli 2025

Lube sotry a lubi bratřa,

„Nadźija pak njewohańbja“ (Rom 5,5) – z tutym hesłom nawjazuje swětowa misionska njedźela 26. oktobra na hesto Swjateho lěta. Lětuša akcija Missio da nas na cyrkej w Myanmarje a na Filipinach hladać. W swěće, w kotrymž wjele kołowokoło nas chabtać pócnje, dopominaja nas projektowi partnerojo Missio we woběmaj krajomaj na njepowalnu móc křescanskeje nadźije.

W Myanmarje je cyrkej poboku milionow ludźi, kotřiž dyrbjachu před byrgarskej wójnu a potłóčowanjom čekać. Ze swojim socialnopastoralnym dźěłom daruje wona čekancam nadźiju, byrnjež so situacija bjez wupuća być zdała. Na Filipinach wojuje cyrkej přećiwo chudobje, njeprawdže a namocy. Wona zasadža so za čłowječe prawa a zachowanje Božej stwórby, nawjeduje šule w slumach a dže na kromy towaršnosće. Tak stanje so cyrkej z hłosom za ludźi, kiž žane prawa nimaja, kotřiž su pod čłowjekanjehódnymi wuměnjemi žiwi.

Swětowa misionska njedźela 26. oktobra steji za swět, w kotrymž stej nadźija a čłowjeskosć sylnišej hač hida a zadwělowanosć. Solidaritna kolekta zmóžnja ludźi konkretnje podpěrać, kotřiž so z wěry za druhich zasadžeja – wšudže tam, hdžež hrozy strach, zo ludžo nadźiju na žiwjenjahódnny přichod zhubja. Prosymy Was: Podpěrujće naše sotry a našich bratrow z tym, zo so za nich zajimujeće, so na nich modliće a přichodnu njedźelu swětoweho misionstwa wulkomyslnje do kolekty darujeće. Za to so Wam wutrobnje dźakujemy.

Kall-Steinfeld, 13. měrca 2025

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop

Tale namołwa ma so njedźelu, 19. oktobra 2025, na wšěch Božich službach (tež na předwječoru) přednjesć a we wosadach nimo toho tež po druhich přihódnych pućach wozjewić. Zběrka swětowu misionsku njedźelu, 26. oktobra 2025, je bjezwuwzaćnje za bamžowskej skutkaj Missio w Aachenje a Mnichowje postajena.